



Siverth K. Heilmann

UPA 2023/162

Atassut

25. maj 2023

Qanoq iliornikkut nunatsinni ujarak sanaartornermi atorluarnerusinnaavarput, qisunnillu eqqussuiuarnerup annertoqisup apparsarnissaa anguniarlugu apeqquteqaat aallavigalugu oqallisissiatut siunnersut

(Inatsisartuni ilaasortaq Aqqalu C. Jerimiassen, Atassut)

Oqallisissiamik siunnersuuteqartoq Aqqalu C. Jerimiassen qujaffigerusuppara, imatullu naatsumik Atassummiit oqaaseqarfigissavarpot.

Ila ukiunimita qassini maani inersuarmi tusartuarparput nunatsinni nammineq pigisagut atorluartariaqarigut. Suaarutaannaasarsimammata nikeriaqqingaartarsimannngilagut, politikkerimmi siunertanik kusanartunik oqarluartaartuarnerput pikkoriffingaarpapput, qanorpiarlu alloriaateqassanerluta pikkorluppallaarluta. Soorunaana qinersisartut pakatsisarlik.

Siunertaq una kialluunniit akerlerinissaa takorlooruminaappoq, namminermi immitsinnut pilersorusuprugut avataaniillu eqqussuinerujussuaq annikillisarusullutigu. Nuannaarutigaaralu oqallissaarisoq tigussaasunik aqqutigisimmaasatsinnik siunnersuuteqarmat, assersuutigalugu Ilulissat avannaatungaani innaallagissiorfiup atorneqartoq sipporlugu pilersuisinnaasup atorluarneqarsinnaanera, kiisalu sanaartornermik ilinniarfiup kiisalu issittumi ingenørít ilisimasaat atorluarlugit suliaq aallartisarneqarsinnaasoq tikkuummagu.

Ukiorpassuarnilu eqqaajuartarpa Tasersiap annertuumik piukkunnaatilerujussuunera, sulianullu annertuumik nukerujussuarmik pilersitsisinnaanermigut sanaartornikkut allatigullu iluaquutasinnaasoq. Tamannalu kaammattutigeqqilaaginnassavara suliaq pimoorullugu kommunimiit Naalakkersuisuniillu iperarnaveersaarneqassasoq.

Qaarsormi, ujarak, sanaartornermi atugassianngorlugu suliarineqassappat innaallagissap nukerujussuanik peqarnissaq pingaaruteqarpoq.

Atassummiit oqallissaarutigineqartoq tamakkiisumik soqtiginnilluta alloriarnissap tullissaanut piareersimavugut.